

La Lumnezia survegn in cumissari

Cun tschun enstagl da nov suprastonts ha la vischnauna Lumnezia in problem cun prender decisiuns legalas per cass ch'in suprastont sto prender stgisa. La regenza grischuna ha perquei tsherniu in cumissari per la Lumnezia che supren denter auter la funcziun dad assessur dalla suprapostanza. L'incarica surpren igl anteriur president communal da Morissen Ueli Caduff.

ANDREAS CADONAU/FMR

«Nus savein viver cun quella sligiazion», gi il president communal lumnezian **Daniel Soler**. El manegia la sligiazion che la regenza grischuna ha instradad cun elegir igl anteriur president communal da Morissen, **Ueli Caduff** sco cumissari. Sco quei che la Regenza scriva en ina comunicaziun ha il cumissari l'incarica principala da garantir che la suprapostanza sappi prender decisiuns legalas. «Cun tschun suprapostonts correspunda il diember da suprapostonts dalla vischnauna Lumnezia buc alla pretensiun dall'atgna constituziun che preveda nov commembers», scriva la Regenza. Ella regorda alla lescha cantunala che pretendia la preschientscha dalla maioritad dalla suprapostanza per prender ina decisiun (artichel 28 dalla lescha da vischnaunas grischuna). Sto in commember dalla suprapostanza lumneziana prender stgisa tier ina fatschenta, ein mo pli quater suprapostonts presents — pia buca la maioritad dalla suprapostanza preveda dalla constituziun communal.

Mantenere la legalitad

«Quei ei per nus veramein in problem», gi il president communal **Daniel Soler**. «Sch'enzatgi ei per exempel buca cunteints cun ina decisiun dalla suprapostanza e fa recuors, sa quei caschunar dabia malaveglia, sche la suprapostanza ha priu la decisiun sulet en quater.» Tenor las explicaziuns dalla regenza grischuna formuladas ella comunicaziun retscheiva **Ueli Caduff** il dretg da separticipar allas sesidas dalla su-



La regenza grischuna ha tsherniu igl anteriur president communal da Morissen **Ueli Caduff** sco cumissari per la vischnauna Lumnezia.

FOTO AUGUSTIN BEELI

prapostanza communal. Ed el ha il dretg da vuschar per cass ch'il diember necessari da vuschs en suprapostanza mauna. «Denton mo, sche la suprapostanza ei buca habla da decider sezza. Schiglioc serestrenscha sia incumbenza sulet sin sia preschientscha senza competenza da prender posiziun davart singulas fatschentas e d'influenzar la sesida», scriva la Regenza.

Suprapostanza funcziunescha

Daniel Soler puntuescha che la suprapostanza lumneziana funcziuneschi senza problems viu giu dil diember en cass da stgisa dad in commember. El vesa la funcziun principala dad **Ueli Caduff** sco assessur dalla suprapostanza. Leds ei il president communal che la Regenza ha fatg la tscherna per in indigen sco cumissari e

buc enzatgi d'ordeifer ch'enconuscha buc las relaziuns lumnezianas. «Gliez pudess esser pli bia buordi che sustegn.»

E sustener la vischnauna vul igl Uffeci cantunal da vischnaunas en tutta cass cun sia mesira, sco quei ch'il schef digl uffeci **Thomas Kolleger** gi: «Cun **Ueli Caduff** havein nus tsherniu in anteriur president communal ch'enconuscha la politica communal e las atgnadads lumnezianas.» **Thomas Kolleger** puntuescha ch'ins hagi tsherniu la sligiazion cul cumissari en entelgientscha cun la vischnauna. «Nus vulein mantener la legalitad dalla suprapostanza e che quella sappi luvrar senza incaps.» Tenor **Thomas Kolleger** dat ei adina puspei situaziuns nua che la Regenza elegia in cumissari per ina vischnauna. En Sur-selva ei quei stau il cass la davosa ga avon varga diesch onns ell'antieriura vischnauna da S. Martin.

Midar la constituziun

Il cumissari astga era ir alla tscherca dad ulteriuras suprapostonts e suprapostonts ed aschia terminar sez sia incumbenza. Quella ei, tenor conclus dalla Regenza, limitada sin la fin digl onn 2028. Anflar ulteriuras suprapostonts ni suprapostonts ei tenor il meini da **Daniel Soler** ina illusiun. «Nus havein desistiu dil secund scrutini dalla elecziun complementara stada preveda ils 9 da fevrer 2025 per munconza da candidatas e candidats.» El e la suprapostanza vulan midar la constituziun communal e sbassar il diember da nov sin tschun suprapostonts ni supra-

«Nus savein viver cun quella sligiazion.»

Daniel Soler, president communal

stonts. «Quei ei pusseivel sil pli baul l'entschatta 2028 pervia dil contract da fusiun.» Il contract da fusiun ius en vigur igl εμπрем da schaner 2013 stipulescha nov sez en suprapostanza, per mintga uclaun in. La vischnauna ha adina puspei giu fadigia d'anflar il diember da suprapostonts stipulaus el contract da fusiun ed ina representanza eguala da tut ils uclauns.

Gl'onn che Laax ei sedeliberaus da Sagogn


La pleiv catolica da Laax commemorescha uonn in anniversari special. Gl'onn 1525 ha gl'uestg da Cuera Paul Ziegler consentiu il giavisch dils «Libers» da fundar ina atgna e nova pleiv da s. Gagl e s. Otmar. La purgameina sigilada avon 500 onns festiveschan ils da Laax ils 16 e 17 d'ust 2025.

AUGUSTIN BEELI/FMR

«Gie, ei dat ina fiasta, e nus essan vidlunder da preparar quella», conferma il president dalla pleiv catolica da Laax, **Christoph Kälin**. El sappi denton aunc buca dar dapli informaziuns, pertgei la cumissiun che prepari la fiasta giubilara hagi aunc buca semtgau tut ils detagls dil program, ha **Christoph Kälin** aschuntau. La FMR ha vuliu saver dad el co las preparativas dil giubileum s'avonzien. Dapi in temps annunzia la pagina d'Internet dalla pleiv roman-catolica da Laax il punct culminont digl onn current 2025. Ils 16 e 17 d'ust 2025 seigi la fin d'jamna commemorativa, ei detti differentas occurrenz, la dumengia ina messa festiva cun uestg **Joseph Maria Bonnemain**.

La damonda dalla cardientscha

Gl'uestg da Cuera vegn ils 17 d'ust 2025 a Laax per festivar culla pleiv ina purgameina ch'in da ses antecessurs ha sigilau ils 20 d'ust 1525. Avon 500 onns han grondas tribulaziuns entschiet el Grischun. Paus onns avon havevan **Huldric Zwingli** a Turig e **Martin Luther** a Wittenberg en Tiarudestga entschiet a propagar la separaziun dil Papa da Ruma. Lur ideas ein furriadas sco in orcan tras l'Europa. Il stadi liber dalle Treis Ligias era vidlunder da nescher. La damonda dalla cardientscha, pro evangelici e pro ni contra il papa, ha caschunau gronda malsegiritad. Il vischinadi da Laax, statuius politicamein sco dertgira libra, ha decidu da restar tier la confessiun veglia. Ecclesiasticamein era Laax denton ina filiala dalla pleiv gronda da Sagogn.



^ La cuntrada da Laax alla fin d'ls onns 1950.
< La baselgia da Laax oz.

FOTO ARCHIV PRIVAT
FOTO AUGUSTIN BEELI

blamein haveva l'indifferenza e la toleranza dils vischins da Sagogn intimati el da far quei pass. Las autoritads da Sagogn havevan numnadamein lubiu alla nova pintga cuminonza da protestants da duvrar in altar ella baselgia parochiala per lur cults divins evangelics. Ella lunga brev agl uestg ha mistral **Hans Coray** rapportau dalla relaziuns, ei selamentaus dil disuorden e dall'inconsequenza e ch'ins vegli perquei seseparar e fundar in atgna pleiv roman-catolica.

107 onns senza agen plevon

Gl'uestg **Paul Ziegler** ha sigilau la purgameina e cunquai dau suatientscha al giavisch da fundar ina pleiv independenta.

«Cuera, ils 20 d'ust 1525, Paulus, episcopus» san ins leger giudem il document da sia Eccellenza. La pleiv roman-catolica da Laax era cunquai fundada. Quei che ha muncau era denton in agen pastur dallas olmas. Pliaras generaziuns han struiu secutentur cun pres e paders che vegnev per far messa e funcziuns. Tochen 1632 eis ei stau in ir e vegnir. Gl'onn 1632, pia 107 onns suenter la fundaziun, ha la pleiv survegniu in plevon stabel. **Joannes Maria de Poschiavo** era in pader dominican dalla claustra da s. Nicolai el marcua da Cuera. Il plevon actual, sur **Bronislaw Krawiec**, ei dapi lu il 27avel pastur dallas olmas da Laax.

La baselgia parochiala actuala han ils da Laax baghegiu da 1674 tochen 1677. Sur **Gion Caderas**, oriund da Ruschein, haveva priu l'iniziativa e stuschau in project d'ina baselgia nova. Sco quei ch'ins sa leger ella cronica, haveva la pleiv fatg giu ils 9 da november 1670 in contract cul meister tessines **Casper Casella**. Igl era previu da sbuar gl'edifici gotic e da construir ina baselgia nova reschnova el stil dil temps. Quella baselgia baroca han ins saviu entschiever a baghegiar per la primavera 1674, pertgei meister **Casper** era morts nunspitgadamein. In auter meister dil baroc, **Domenico Barbè** da Roveredo, ha surpriu il project da siu antecessur permier.

«Tut ils detagls dil program da fiasta ein aunc buca semtgai.»

Christoph Kälin, president dalla pleiv